




Broj: 03-04-5695-2/2026  
Dana: 27. 4. 2026. godine



## SKUPŠTINA UNSKO-SANSKOG KANTONA

**PREDMET:** Informacija o stanju maloljetničke delikvencije na području Unsko-sanskog kantona za period januar-decembar 2025. godine, dostavlja se

Na osnovu člana 96. i 181. Poslovnika Skupštine Unsko-sanskog kantona („Službeni glasnik Unsko-sanskog kantona“, broj: 9/17 i 11/21), u prilogu vam dostavljamo Informaciju o stanju maloljetničke delikvencije na području Unsko-sanskog kantona za period januar-decembar 2025. godinu, uz sljedeće

### O b r a z l o ž e n j e


Vlada Unsko-sanskog kantona je na 26. sjednici, održanoj dana 27. 4. 2026. godine, razmatrala i Zaključkom broj: 03-02-44-548/2026 primila na znanje Informaciju o stanju maloljetničke delikvencije na području Unsko-sanskog kantona za period januar-decembar 2025. godine broj: 05-04/04-1-51/26 od 16. 4. 2026. godine, obrađivača Ministarstva unutrašnjih poslova, koja vam se upućuje na razmatranje.

S poštovanjem.

**Prilog:** Informacija o stanju maloljetničke delikvencije na području Unsko-sanskog kantona za period januar-decembar 2025. godine

Dostavljeno:  
1. Naslovu,  
2. a/a.





Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona”, broj 5/08), na prijedlog Ministarstva unutrašnjih poslova, Vlada Unsko-sanskog kantona na 26. sjednici, održanoj dana 27. 4. 2026. godine, d o n o s i

## ZAKLJUČAK

### I

Prima se na znanje Informacija o stanju maloljetničke delinkvencije na području Unsko-sanskog kantona za period januar - decembar 2025. godine i upućuje se Skupštini Unsko-sanskog kantona na razmatranje.

### II

Ovaj Zaključak stupa na snagu danom donošenja.

Broj: 03-02-44-548/2026  
Bihać; 27. 4. 2026. godine



Na osnovu člana 93. i 96. stav (2) Poslovnika Skupštine Unsko-sanskog kantona („Službeni glasnik Unsko-sanskog kantona”, broj: 9/17), na prijedlog Ministarstva unutrašnjih poslova, Skupština Unsko-sanskog kantona na sjednici održanoj dana \_\_\_\_\_ 2026.godine, donosi:

## ZAKLJUČAK

### I

Prima se na znanje Informacija o stanju maloljetničke delinkvencije na području USK-a za period januar - decembar 2025.godine.

### II

Ovaj Zaključak stupa na snagu danom donošenja.

Broj: \_\_\_\_\_  
Dana: \_\_\_\_\_ 2026.godine

Predsjedavajući  
Skupštine Unsko-sanskog kantona

Nisvet Jusić

**BOSNA I HERCEGOVINA  
FEDERACIJA BOSNE I  
HERCEGOVINE  
UNSKO-SANSKI KANTON  
MINISTARSTVO UNUTRAŠNJIH  
POSLOVA**



**BOSNIA AND HERZEGOVINA  
FEDERATION OF BOSNIA AND  
HERZEGOVINA  
THE UNA-SANA CANTON  
MINISTRY OF THE INTERNAL  
AFFAIRS**

**UPRAVA POLICIJE**

Broj: 05-04/04-1-51/26  
Dana: 16.04.2026. godine

## **INFORMACIJA**

**O STANJU MALOLJETNIČKE DELINKVENCije  
NA PODRUČJU UNSKO-SANSKOG KANTONA  
ZA 2025. GODINU**

**Bihać, april 2026. godine**

## SADRŽAJ

I	UVOD.....	3
II	AKTIVNOSTI POLICIJE.....	4
III	STANJE MALOLJETNIČKE DELINKVENCije NA PODRUČJU USK-a.....	5
	A - Stanje kriminaliteta u periodu 2021. - 2025.godina.....	5
	B - Stanje kriminaliteta u 2025.godini.....	8
	C - Stanje javnog reda i mira u periodu 2021. – 2025.godina.....	13
	D - Stanje javnog reda i mira u 2025.godini.....	14
	E - Ostale aktivnost vezane za maloljetničku delinkvenciju u 2025.godini.....	17
	F - Opremljenost i uslovi rada sa maloljetnicima.....	18
IV	OCJENA STANJA MALOLJETNIČKE DELINKVENCije.....	19
V	PRIJEDLOG MJERA.....	22

## I – UVOD

Ministarstvo unutrašnjih poslova, preko Uprave policije kontinuirano provodi aktivnosti vezane za maloljetničku delinkvenciju koja predstavlja društveni problem i u Bosni i Hercegovini. Prema izvještajima drugih zemalja, ovakva ponašanja maloljetnih lica prisutna su i u razvijenim i nerazvijenim državama na svim kontinentima i sa demokratskim i sa nedemokratskim sistemom i ustrojem vlasti, u različitim kulturama, religijskoj pripadnosti ili svjetonazorima.

Prema širem shvatanju maloljetnička delinkvencija podrazumijeva sve devijacije u ponašanju mladih ljudi i slična neprihvatljiva ponašanja koja nisu inkriminirana u kaznenom zakonu kao i ona ponašanja koja su inkriminirana u zakonu, dok prema užem shvatanju maloljetnička delinkvencija obuhvata sve aktivnosti maloljetnika koje su inkriminirane pozitivnim kaznenim zakonima gdje maloljetne osobe razne oblike svog delinkventnog ponašanja očituju čineći protupravne radnje koje imaju obilježja krivičnih djela i prekršaja, a delinkventima se smatraju osobe koje ne žive u skladu sa moralnim i fizičkim normama društva i koji su zbog toga povremeno ili trajno u konfliktu sa zakonima.

Prilikom razmatranja maloljetničke delinkvencije potrebno je imati u vidu manju svjesnost maloljetnika u odnosu na odrasle o posljedicama vlastitih postupaka, prouzrokovan dobnom nezrelošću.

Ali i dalje treba imati u vidu brojne rizike kojima su izloženi maloljetnici (prepuštenost mnoge djece sebi samima, gubitak roditelja, nemogućnost školovanja po vlastitom izboru, prisutnost droga i alkohola, blizina kladionica i kockarnica ili objekata sa alkoholnim pićima uz školske objekte, štetni utjecaji medija i interneta itd).

Kada je riječ o implementaciji Zakona o zaštiti i postupanju sa djecom i maloljetnicima u krivičnom postupku (Službene novine F BiH broj:7/14) potrebno je istaći da je Uprava policije MUP-a USK, u skladu sa navedenim Zakonom u 2017.godini, kroz svoju unutarnju organizaciju osnovala Odsjek za maloljetničku delinkvenciju, seksualne delikte i nasilje u porodici pri Sektoru kriminalističke policije, u kojem policijski službenici pored drugih nadležnih poslova i zadataka poduzimaju radnje u okviru prevencije u borbi protiv maloljetničke delinkvencije (održavanje radionica po odgojno-obrazovnim ustanovama, koordinacija u radu policijskih stanica sa drugim institucijama koje se bave ovom problematikom, edukacija policijskih službenika i dr.).

Ova informacija obuhvata podatke iz djelokruga rada Uprave policije i to podatke za one aktivnosti koje su inkriminisane normama krivičnog zakonodavstva, a s obzirom da prema širem shvatanju maloljetnička delinkvencija podrazumijeva i raznovrsne devijacije u ponašanju mladih koje nisu u direktnoj zakonskoj nadležnosti i domenu rada policije značajno je napomenuti da je neophodno pribaviti podatke ostalih nadležnih institucija na području USK-a, odnosno Ministarstva obrazovanja, nauke, kulture i sporta, Ministarstva pravde, pravosudnih organa, službi socijalne zaštite, raznih organizacija, uključujući nevladine i međunarodne.

Uzimajući u obzir navedeno u ovoj informaciji obuhvaćena su lica od 14-18 godina starosti koja su krivično i prekršajno odgovorna, kategorisana kao mlađi maloljetnici (14-16) i stariji maloljetnici (16-18), dok nisu uključena djeca do 14 godina starosti koja su shodno zakonskim propisima krivično i prekršajno neodgovorna, a njihovo se društveno neprihvatljivo i delikventno ponašanje može suzbijati i sprečavati isključivo odgojnim i popravnim mjerama iz nadležnosti organa starateljstva ili obrazovnih ustanova i svih drugih segmenata društva.

## II AKTIVNOSTI POLICIJE

U promatranom periodu provedene su raznovrsne aktivnosti policije kada je u pitanju maloljetničko prestupništvo koje se većinom zasnivaju na prevenciji kroz pozorno – patrolnu djelatnost, aktivnost policajaca zaduženih za rad u zajednici (RPZ policajci), rad vođa sektora, kvalitetnije planiranje i preventivno prisustvo policije na mjestima i žarištima maloljetnog kriminala, prisustvo policije u blizini škola i na frekventnim raskrscima, autobusnim stanicama, održavanje raznih predavanja učenicima osnovnih i srednjih škola, pažljiv i profesionalan rad sa maloljetnim osobama, saradnju sa raznim organizacijama, uključujući i međunarodne itd.

Rad policije, sa maloljetnim delinkventima, te njihov odnos prema maloljetnicima odvija se u skladu sa zakonskim i drugim propisima, uključujući i međunarodne konvencije, počev od lišavanja slobode kada su za to ispunjeni uslovi, obaveznog obavještanja i pozivanja roditelja (staratelja) maloljetnog lica, zatim obavještanje centra za socijalni rad, ukoliko maloljetnik pohađa školu i direktora i pedagoga, obavljanje službenih razgovora uz prisustvo roditelja ili staratelja, a u slučaju opravdanog odsustva uposlenika centra za socijalni rad, odvajanje maloljetnika lišenih slobode od punoljetnika itd., a sve u cilju zaštite prava maloljetnih lica.

Postupanje i zaštita maloljetnih lica u krivičnom postupku, kao i krivičnopravne sankcije prema istima propisano je Krivičnim zakonom Federacije BiH („Službene novine F BiH“, broj:3/03, 32/03, 37/03, 54/04, 61/04, 30/05, 55/06, 32/07, 8/10, 42/11, 59/14, 76/14, 46/16, 75/17, 31/23, 58/25), Zakonom o krivičnom postupku F BiH („Službene novine F BiH“, broj:35/03 i 59/14), Zakonom o prekršajima Federacije BiH („Službene novine F BiH“, broj:63/14), Zakonom o zaštiti i postupanju sa djecom i maloljetnicima u krivičnom postupku F BiH („Službene novine F BiH“, broj:7/14 i 74/20) i Zakonom o mladima Federacije BiH („Službene novine F BiH“, broj:36/10).

Izmjene i dopune Krivičnog zakona Federacije BiH iz 2025.godine predstavlja značajan korak u unapređenju krivičnopravne zaštite djece i maloljetnika. Ovim izmjenama preciznije su definisani pojmovi vezani za djecu i maloljetnike, gdje je dijete osoba koja nije navršila 18 godina, a mlađa punoljetna osoba je osoba koja je navršila 18 a nije navršila 21 godinu života, ove izmjene su važne za pravilnu primjenu krivičnih sankcija i zaštitu maloljetnika u krivičnom postupku. Pooštrena je kaznena politika za krivična djela počinjena na štetu djece, te su dodatno uređene odredbe koje se odnose na izvršenje kazni i zaštite maloljetnika od različitih oblika zlostavljanja i iskorištavanja, a koje imaju za cilj jačanje resocijalizacije maloljetnika i njihov povratak u društvo.

U većini slučajeva kod maloljetnog prijestupništva izostao je neophodan nadzor od strane roditelja ili staratelja što je i najčešći uzrok maloljetničke delinkvencije na ovom kantonu. Nisu zanemarljivi ni negativni uticaji i štetne informacije medija i interneta, gdje se nasilje prikazuje kao sredstvo za ostvarenje cilja, pa se jedan dio maloljetnika opredjeljuje da krši zakon. Složeno ekonomsko – socijalno stanje, velika nezaposlenost, porast siromaštva i sve veći broj porodica koje su zapale u finansijske probleme, izloženost opasnostima i ostalim oblicima socijalnog uticaja, sve veće prisustvo raznih opijata, promjena tradicionalne uloge porodice i sl. ima za posljedicu slabljenje brige za maloljetnike, koji su nerijetko prepušteni sami sebi, bez adekvatne kontrole, prvenstveno porodice, i kao takvi čine prekršaje, ali i krivična djela.

Mladima se treba više posvetiti, osigurati im dobre uslove, prostor i mogućnosti da se bave sportom, muzikom, rekreacijom i da racionalno koriste svoje slobodno vrijeme. Treba im ponuditi zanimljive i atraktivne sadržaje i na taj način onemogućiti ih da se nađu u situaciji da se upuste u činjenje krivičnih djela ili prekršaja. Okupiranost mladih dobro osmišljenim, zanimljivim, zdravim i konstruktivnim

aktivnostima najbolja je prevencija mogućeg prijestupništva, delinkvencije, devijacija, a dosada i znatiželja njihov najjači uzročnik.

Roditelji, predškolske i školske ustanove, kao i društvo u cjelini bi morali voditi stalnu brigu, odgojno djelovati i provoditi prevenciju od najranijeg djetinjstva, a ne samo kad se uoče smetnje i poremećen psihosocijalni razvoj djeteta. Iz do sada procesuiranih slučajeva i saznanja možemo zaključiti da je nedostatak brige za djecu, koja su izložena brojnim rizicima i najčešći uzrok maloljetničke delinkvencije na USK, a i šire. Ne poduzmu li se pravovremene i učinkovite preventivne mjere, te mjere preodgoja, resocijalizacije i rehabilitacije, takvi mladi ljudi će jednoga dana postati pravi kriminalci, posebno ako dođu pod utjecaj odraslih kriminalnih osoba, koji ih obećanjima o lagodnom životu, moći, zabavi, provodu idr. vješto uvlače u svoj prljavi posao, nemilosrdno ih zloupotrebljavaju i iskorištavaju. Zato i kažemo da je sprema maloljetnih delinkvenata s odraslim kriminalcima najopasniji oblik kriminaliteta. Zadaća policije je otkrivanje takvih kriminalnih osoba, te njihovo sprječavanje i onemogućavanje da djecu i mladež uvlače i uvode u kriminalne aktivnosti.

Primjenjujući važeće zakonske i podzakonske propise policijski službenici u slučaju devijantnog ponašanja maloljetnih lica vrše obavještanje roditelja (staratelja) maloljetnika, zatim Centar za socijalni rad, a ako je počinioc učenik i menadžment škole koju pohađa.

I pored poduzetih preventivnih mjera, važno je istaći da se policija i dalje uglavnom susreće sa posljedicama devijantnog ponašanja maloljetnika koji su pod rizikom da dođu u sukob sa zakonom ili su već u sukobu.

Kada je u pitanju saradnja sa drugim institucijama, moramo reći da policijski službenici imaju veoma dobru saradnju sa Kantonalnim tužilaštvom USK, centrima za socijalni rad, općinskim sudovima, direktorima osnovnih i srednjih škola, te vladinim i nevladinim organizacijama.

Kada su u pitanju materijalni resursi neophodni za rad policije sa maloljetnicima, potrebno je istaći da Uprava policije MUP USK neraspolože namjenskim prostorijama za rad sa maloljetnicima u svim oragnizacionim jedinicama osim u Sektoru kriminalističke policije gdje se dodatno oprema ova prostorija. Uprava policije nema posebnih prostorija za zadržavanje maloljetnih prijestupnika, već se maloljetni prijestupnici zadržavaju u službenim prostorijama i bivaju pod stalnim nadzorom policijskih službenika. Zadržavanje maloljetnih lica u službenim prostorijama je minimalno, osim kada se radi o teškim krivičnim djelima.

### **III – STANJE MALOLJETNIČKE DELINKVENCIJE**

#### **A – Stanje kriminaliteta u periodu 2021 – 2025.godina**

Maloljetnička delinkvencija u raznovrsnim oblicima, kao i svuda u svijetu prisutna je i na Unsko-sanskom kantonu. U periodu 2021.-2025.godina na području Unsko- sanskog kantona maloljetnici su počinili 152 krivična djela, što čini godišnji prosjek od 30 KD. Ova krivična djela počinilo je 175 maloljetnika, a što čini godišnji prosjek od 35 maloljetnika.

U ukupnom broju krivičnih djela u navedenom periodu (6269) maloljetni kriminal prosječno učestvuje sa 2,42%, što je ispod granice prosjeka većine evropskih zemalja (3% do 10%). U ukupnom broju prijavljenih lica (6045) u navedenom periodu maloljetni počinioci učestvuju sa 2,89 %.

Maloljetnici su najmanje krivičnih djela počinili 2021. i 2024.godine (po 27 KD), a najviše krivičnih djela počinjeno je 2023.godine (35). Najmanji broj maloljetnih počinitelaca (30), evidentiran je u

2021.godini, odnosno najniži procenat maloljetnih počinilaca (2,4%), u odnosu na ukupan broj počinioaca KD evidentiran 2021.godine.


**TABELARNI PRIKAZ MALOLJETNIČKE DELINKVENCije 2021. – 2025. GODINA**

GODINA	BROJ KD	UKUPNO POČINIOCA	MALOLJETNICI KOJI SE PRVI PUT POJAVLJUJU KAO POČINIOCI KD		MALOLJETNI POVRATNICI	
			14-16 GODINA	16-18 GODINA	14-16 GODINA	16-18 GODINA
2021.	27	30	10	18		2
2022.	31	35	9	18	5	3
2023.	35	40	12	25	2	1
2024.	27	32	7	22	2	1
2025.	32	38	8	25	2	3
<b>2021.-2025.</b>	<b>152</b>	<b>175</b>	<b>46</b>	<b>108</b>	<b>11</b>	<b>10</b>

Usporedbom 2025. sa 2021.godinom, evidentno je da je došlo do povećanja broja krivičnih djela za 5 ili 18,5 %, ukupnog broja počinilaca za 8 ili 26,7 %, mlađih maloljetnih povratnika od 14-16 godina za 2 ili 100 %, starijih maloljetnih povratnika od 16-18 godina za 1 ili 50 % i starijih maloljetnika od 16 do 18 godina koji se prvi put pojavljuju kao počiniooci KD za 7 ili 38,9 %, dok je smanjen broj mlađih maloljetnika od 14 do 16 godina koji se prvi put pojavljuju kao počiniooci KD za 2 ili 20 %.

Iz tabele je vidljivo da su u navedenih pet godina kao najčešći počiniooci krivičnih djela pojavljuju stariji maloljetnici koji se prvi put pojavljuju kao počiniooci KD 108 ili 61,7 %, zatim mlađi maloljetnici koji se prvi put pojavljuju kao počiniooci KD 46 ili 26,3 %, mlađi maloljetni povratnici 11 ili 6,3 % i stariji maloljetni povratnici 10 ili 5,7 %.

**grafički prikaz kretanja broja KD koje su počinili maloljetnici i broj maloljetnih počinilaca (2021.-2025.)**



Iz strukture krivičnih djela u navedenom vremenskom periodu je vidljivo da se maloljetni počiniooci pojavljuju i kao počiniooci najtežih krivičnih djela, kao što je „Ubistvo“, „Ubistvo u pokušaju“, „Učestvovanje u tuči“, „Teška tjelesna ozljeda“, „Lahka tjelesna ozljeda“, „Ugrožavanje sigurnosti“, „Terorizam“, „Spolni odnošaj s djetetom“, „Bludne radnje“, „Iskorištavanje djeteta ili maloljetnika

radi pornografije“, „Nasilje u porodici“, „Posjedovanje i omogućavanje uživanja opojnih droga“, „Neovlaštena proizvodnja i stavljanje u promet opojnih droga“, „Teška krađa“, „Krađa“, „Razbojništvo“, „Utaja“, „Prijevara“, „Oduzimanje tuđe pokretnine“, „Oštećenje tuđe stvari“, „Šumska krađa“, „Mučenje ili ubijanje životinja“, „Protuzakonit ribolov“, „Izazivanje opće opasnosti“, „Teška KD protiv sigurnosti javnog prometa“, „Ugrožavanje javnog prometa“, „Nasilničko ponašanje“, „Sprečavanje službene osobe u vršenju službenih radnji“, „Napad na službenu osobu u vršenju službenih radnji“, „Nedozvoljeno držanje oružja ili eksplozivnih materija“ i „Krivotvorenje novca“.

Dominantni su imovinski delikti, gdje su maloljetnici počinili 40 KD ili 26,3 % od ukupnog broja KD počinjenih od strane maloljetnika.

**Tabelarni pregled po vrsti krivičnih djela (2021.-2025.)**

NAZIV KD	2021.	2022.	2023.	2024.	2025.
Ubistvo		1		2	
Ubistvo u pokušaju					1
Učestvovanje u tuči				2	
TTP	3	3	1	3	2
LTP	3	7	2	2	7
Ugrožavanje sigurnosti		1	1	1	2
Terorizam				1	
Spolni odnošaj s djetetom	1	1	2		
Bludne radnje	2		1		
Iskorišt.djeteta ili malolj.radi pornografije			2	2	
Nasilje u porodici	2	1	2	1	1
Posjedovanje i omog.uživanja op.droga			2	2	4
Neovl.proizv.i stavlj.u promet opojnih droga	1		2		
Teške krađe	3	1	5	1	3
Krađa	3	8	5	2	1
Razbojništvo	1	1			1
Utaja	1		1		
Prijevara			1		
Oduzimanje tuđe pokretnine				1	
Oštećenje tuđe stvari					1
Šumska krađa	1				
Mučenje ili ubijanje životinje	1				
Protuzakonit ribolov			1		
Izazivanje opće opasnosti					2
Teška KD protiv sigurnosti javnog prometa	2	4	4	1	1
Ugrožavanje javnog prometa			1		
Nasilničko ponašanje	2	2	2	4	5
Sprečavanje sl.osobe u vršenju sl.radnji					1
Napad na sl.osobu u vrš.sl.radnji	1	1			
Nedozvolj.držanje oružja ili eksploz.materija				1	
Krivotvorenje novca				1	
<b>UKUPNO</b>	<b>27</b>	<b>31</b>	<b>35</b>	<b>27</b>	<b>32</b>

## B – Stanje kriminaliteta u 2025.godini

Stanje maloljetničke delikvencije u 2025.godini, u odnosu na 2024.godinu karakteriše povećanje ukupnog broja krivičnih djela i ukupnog broja maloljetnih počinitelja.

Organizacione jedinice Uprave policije u 2025.godini evidentirale su ukupno 32 krivična djela, što je za 5 ili 18,5 % više u odnosu na 2024.godinu.

Ova krivična djela počinilo je 38 krivično odgovornih maloljetnika (što je u poređenju sa 2024. godinom više za 6 ili 18,8 %), od čega 8 mlađih maloljetnika starosti od 14-16 godina, koji se prvi put pojavljuju kao počinioci KD (više za 1 ili 14,3 % u odnosu na 2024.godinu), 25 starijih maloljetnika starosti od 16-18 godina koji se prvi put pojavljuju kao počinioci KD (više za 3 ili 13,6 % u odnosu na 2024.godinu), 2 maloljetna povratnika u vršenju KD starosti od 14 do 16 godina (identično stanje u odnosu na 2024.godinu) i 3 maloljetna povratnika u vršenju KD starosne dobi od 16-18 godina (više za 2 ili 200 % u odnosu na 2024.godinu).


Po polnoj strukturi 32 ili 84 % su muški, a 6 ili 16 % su ženski počinioci.

U 2025.godini 1 maloljetnik je lišen slobode u skladu sa Zakonom o krivičnom postupku Federacije BiH (manje za 2 ili 66,7% u odnosu na 2024.godinu).

### UPOREDNI PODACI MALOLJETNIČKOG PRESTUPNIŠTVA ZA 2025. i 2024. GODINU

	Broj KD	Broj prijavljenih maloljetnika	POLNA STRUKTURA		Maloljetnici koji se prvi put pojavljuju kao počinioci KD		Maloljetni povratnici		LIŠENO SLOBODE
			M	Ž	14-16 godina	16-18 godina	14-16 godina	16-18 godina	
2025.godina	32	38	32	6	8	25	2	3	1
2024.godina	27	32	31	1	7	22	2	1	3
Razlika + / -	+5	+6	+1	+5	+1	+3	=	+2	-2
Razlika + / - %	+18,5	+18,8	+3,2	+500	+16	+13,6	=	+200	-66,7

#### grafički prikaz strukture prijavljenih maloljetnika



Maloljetnici su u 2025.godini počinili 2,4 % od ukupno evidentiranih krivičnih djela, a u ukupnom broju počinioca učestvuju sa 2,9 %. U 2024.godini maloljetnici su počinili 2,4 % krivičnih djela, a u ukupnom broju počinilaca učestvovali su sa 2,9 %, što znači da je u 2025.godini identičan procenat evidentiranih krivičnih djela koja su počinjena od strane maloljetnih počinilaca i učešća maloljetnika u ukupnom broju počinilaca.

**Tabelarni pregled po vrsti krivičnih djela za 2025. i 2024.godinu**

r/b	NAZIV KD	2025.	2024.
1.	Ubistvo		2
2.	Ubistvo u pokušaju	1	
3.	TTP	2	3
4.	LTP	7	2
5.	Učestvovanje u tuči		2
6.	Ugrožavanje sigurnosti	2	1
7.	Terorizam		1
9.	Iskorišt.djeteta ili malolj.radi pornografije		2
9.	Nasilje u porodici	1	1
10.	Posjedovanje i omog.uživanja op.droga	4	2
11.	Teške krađe	3	1
12.	Krađa	1	2
13.	Razbojništvo	1	
14.	Oduzimanje tuđe pokretnine		1
15.	Oštećenje tuđe stvari	1	
16.	Izazivanje opće opasnosti	2	
17.	Teška KD protiv sigur. javnog prometa	1	1
18.	Nasilničko ponašanje	5	4
19.	Sprečavanje služb.osobe u vršenju sl.radnje	1	
20.	Nedozvolj.držanje oružja i eksploz.materija		1
21.	Krivotvorenje novca		1
<b>UKUPNO</b>		<b>32</b>	<b>27</b>

Maloljetni počinioci su u 2025. godini pojavljuju se kao počinioci kod 14 vrsta KD, što je u odnosu na 2024. godinu (16 vrsta KD) evidentno smanjenje za 2 ili 12,5 %.

Maloljetnici se pojavljuju kod slijedećih krivičnih djela: „Ubistvo u pokušaju“ (1), „Teška tjelesna povreda“ (2), „Lahka tjelesna povreda“ (7), „Ugrožavanje sigurnosti“ (2), „Nasilje u porodici“ (1), „Posjedovanje i omogućavanje uživanja opojnih droga“ (4), „Teška krađa“ (3), „Krađa“ (2), „Razbojništvo“ (1), „Oštećenje tuđe stvari“ (1), „Izazivanje opće opasnosti“ (2), „Teška KD protiv sigurnosti javnog prometa“ (1), „Nasilničko ponašanje“ (5) i „Sprečavanje služb.osobe u vršenju sl.radnje“ (1).

U strukturi krivičnih djela počinjenih od strane maloljetnika najbrojnija su krivična djela protiv života i tijela, koja čine 31,3 % krivičnih djela koja su počinili maloljetnici, te su i u 2024.godini bila najbrojnija krivična djela iz ove grupe, koja su činila 33,3 %.

U odnosu na 2024. godinu porast je zabilježen kod krivičnih djela „Ubistvo u pokušaju“-za 1, „Lahka tjelesna ozljeda“-za 5, „Ugrožavanje sigurnosti“-za 1, „Posjedovanje i omogućavanje uživanja opojnih droga“-za 2, „Teška krađa“- za 2,, „Razbojništvo“-za 1, „Oštećenje tuđe stvari“-za 1,

„Izazivanje opće opasnosti“-za 2, „Nasilničko ponašanje“- za 1 i „Sprečavanje služb.osobe u vršenju sl.radnje“-za 1.

Smanjenje je zabilježeno kod krivičnih „Ubistvo“- za 2, „Teška tjelesna ozljeda“ - za 1, „Učestvovanje u tuči“-za 2, „Terorizam“-za 1, „Iskorištavanje djeteta ili maloljetnika radi pornografije“ –za 2, „Krađa“ - za 1, „Oduzimanje tuđe pokretnine“- za 1, „Nedozvoljeno držanje oružja ili eksplozivnih materija“- za 1 i „Krivotvorenje novca“- za 1.

Identično stanje je zabilježeno kod krivičnih djela „Nasilje u porodici“ i „Teška KD protiv sigurnosti javnog prometa“.

Iz naredne tabele je vidljivo da je najviše krivičnih djela počinjenih od strane maloljetnika evidentirano na području grada Bihaća (8), grada Cazina (8) i općine Velika Kladuša (7) i što čini 71,9 % od ukupnog broja krivičnih djela počinjenih od strane maloljetnika.


#### UPOREDNI POKAZATELJI PO OPĆINAMA (BROJ KRIVIČNIH DJELA)

GRAD / OPĆINA	2025. godina	2024. godina	RAZLIKA		RAZLIKA %
			+	-	
BIHAĆ	8	2	+6		+300
B.PETROVAC	3	1	+2		+200
CAZIN	8	11	-3		-27,3
S.MOST	1	0	+1		+100
KLJUČ	1	1	=		=
V.KLADUŠA	7	8	-1		-12,5
B.KRUPA	4	2	+2		+100
BUŽIM		2	-2		-100
<b>UKUPNO</b>	<b>32</b>	<b>27</b>	<b>+5</b>		<b>+18,5</b>

Do smanjenja broja krivičnih djela došlo je na području grada Cazina (za 3 ili 27,3 %), općine Velika Kladuša (za 1 ili 12,5 %) i općine Bužim (za 2 ili 100 %), do povećanja je došlo na području grada Bihaća (za 6 ili 300 %), općine Bosanski Petrovac ( za 2 ili 200 %), općine Sanski Most ( za 1 ili 100 %) i grada Bosanska Krupa (za 2 ili 100 %). Identično stanje je na području općine Ključ.

Na području općine Bužim nisu evidentirana krivična djela počinjena od strane maloljetnika.

grafički prikaz broja krivičnih djela po gradovima/općinama USK za 2025. i 2024.godinu




**UPOREDNI POKAZATELJI PO MJESECIMA BROJA KRIVIČNIH DJELA**

MJESEC	2025. godina	2024. godina	RAZLIKA		RAZLIKA %
			+	-	
JANUAR	1	4	-3		-75
FEBRUAR	5	1	+4		+400
MART	1	3	-2		-66,7
APRIL	4	1	+3		+300
MAJ	2	5	-3		-60
JUNI	2	2	=		=
JULI	1	3	-2		-66,7
AUGUST	3	1	+2		+200
SEPTEMBAR	4	2	+2		+100
OKTOBAR	3	2	+1		+50
NOVEMBAR	4	2	+2		+100
DECEMBAR	2	1	+1		+100
<b>UKUPNO</b>	<b>32</b>	<b>27</b>	<b>+5</b>		<b>+18,5</b>

U 2025.godini maloljetnici su najviše krivičnih djela počinili u mjesecu februaru 5 i aprilu, septembru i novembru –po 4, a najmanje u januaru, martu i julu – po 1 krivično djelo, a u 2024.godini najviše krivičnih djela su počinili u mjesecu maju 5 i januaru 4, a najmanje u februaru, aprilu, augustu i decembru – po 1 krivično djelo, tako da nema pravila, već podaci osciliraju od mjeseca do mjeseca.

**grafički prikaz kretanja broja KD koja su počinili maloljetnici po mjesecima za 2025 / 2024. godinu**




Iz naredne tabele je vidljivo da je najviše maloljetnih počinilaca evidentirano na području grada Cazina (9), općine Velika Kladuša (9) i grada Bosanska Krupa (8), što čini 68,4 % od ukupnog broja prijavljenih maloljetnih počinilaca.

**UPOREDNI POKAZATELJI POČINILACA PO GRADOVIMA/ OPĆINAMA**

	2025.godina	2024.godina	RAZLIKA	
			+ -	RAZLIKA %
BIHAĆ	7	2	+5	+250
B.PETROVAC	3	3	=	=
CAZIN	9	13	-4	-30,8
S.MOST	1	0	+1	+100
KLJUČ	1	1	=	=
V.KLADUŠA	9	9	=	=
B.KRUPA	8	2	+6	+300
BUŽIM	0	2	-2	-100
<b>UKUPNO</b>	<b>38</b>	<b>32</b>	<b>+6</b>	<b>+18,8</b>

Do smanjenja broja maloljetnih počinitelja došlo je na području grada Cazina (za 4 ili 30,8 %) i općine Bužim (za 2 ili 100 %), do povećanja je došlo na području grada Bihaća (za 5 ili 250 %), općine Sanski Most (za 1 ili 100 %) i grada Bosanska Krupa (za 6 ili 300 %). Identično je stanje je na području općine Bosanski Petrovac, općine Ključ i općine Velika Kladuša.

grafički prikaz broja počinitelja po gradovima/općinama USK za 2025. i 2024.godinu




**UPOREDNI POKAZATELJI POČINILACA PO MJESECIMA**

BROJ POČINILACA PO MJESECIMA	2025. godina	2024. godina	RAZLIKA	
			+ -	RAZLIKA %
JANUAR	1	4	+3	+75
FEBRUAR	8	1	+7	+700
MART	1	5	-4	-80
APRIL	4	1	+3	+300
MAJ	2	6	-4	-66,7
JUN	5	2	+3	+150
JULI	1	4	-3	-75
AUGUST	3	1	+2	+200
SEPTEMBAR	4	2	+2	+100
OKTOBAR	3	3	=	=
NOVEMBAR	3	2	+1	+50
DECEMBAR	3	1	+2	+200
<b>UKUPNO</b>	<b>38</b>	<b>32</b>	<b>+6</b>	<b>+18,8</b>

Tokom 2025.godine, promatrano po mjesecima, najveći broj počinitelja evidentiran je u februaru (8), junu (5), aprilu i septembru (po 4), a najmanje u januaru, martu i julu - po 1 počinioc, dok je u 2024.godini najveći broj počinitelja evidentiran je u maju (6), martu (5), januaru i julu (po 4), a najmanje u februaru, aprilu, augustu i decembru - po 1 počinioc, tako da i broj maloljetnih počinitelja oscilira od mjeseca do mjeseca.

**grafički prikaz kretanje broja maloljetnih počinitelja KD po mjesecima za 2025/2024.godinu**



Tokom 2025. godine policijski službenici su, pridržavajući se odredaba Zakon o zaštiti i postupanju sa djecom i maloljetnicima u krivičnom postupku i Pravilnika o primjeni mjera policijskog upozorenja izrekli 1 mjeru policijskog upozorenja prema maloljetnicima koji su počinili krivično djelo. Evidentirano je smanjenje broj mjera policijskog upozorenja prema maloljetnicima za 1 ili 50 % u odnosu na 2024.godinu.

Ukupno 2 maloljetnika su lišena slobode, u skladu sa Zakonom o krivičnom postupku, a 1 maloljetno lice je zadržano u službenim prostorijama zbog počinjenog krivičnog djela. Policijski službenici su u službene prostorije pozvali 29 maloljetnika, zbog činjenja KD.

U izvještajnom periodu nisu evidentirana KD čiji su počinioci djeca starosti do 14 godina, a koja nisu krivično odgovorna (u 2024.godini također nisu evidentirana KD).

### **C - Stanje javnog reda i mira u periodu 2021. – 2025.godina**

Blaži oblici kršenja zakona od strane maloljetnika su prekršaji. Prekršaji maloljetnika se uglavnom odnose na Zakon o javnom redu i miru USK (vika, galama, drsko ponašanje, fizički napad, naročito drsko ponašanje), a manjim djelom na gradske/općinske odluke i druge zakonske propise (Zakon o oružju i municiji USK i Zakon o bezbjednosti saobraćaja na putevima u BiH).

U periodu 2021-2025. godina, na području Unsko- sanskog kantona maloljetnici su narušili javi red i mir u 288 slučajeva, što čini godišnji prosjek od 57 narušavanja. U ovim narušavanjima počinjena su 384 prekršaja, što čini godišnji prosjek od 77 prekršaja. Ove prekršaje počinilo je 317 prekršajno odgovornih maloljetnika, što čini godišnji prosjek od 63 maloljetnika. U ukupnom broju narušavanja javnog reda i mira u navedenom periodu (11487) maloljetnici prosječno učestvuju sa 2,5%. U ukupnom broju prijavljenih prekršioaca (15950) u navedenom periodu maloljetnici učestvuju sa 2 %.

Maloljetnici su najmanje narušavanja javnog reda i mira počinili 2024.godine (36), a najviše ih je počinjeno 2023.godine (89), kada je također evidentiran najveći broj prekršaja (123).

Uporedbom 2025. sa 2021.godinom, evidentno je da je došlo do povećanja broja narušavanja javnog reda i mira za 19 ili 48,7 %, a smanjenje broja prekršaja za 16 ili 21,6 %, kao i ukupnog broja maloljetnih prekršioaca za 16 ili 22,9 %.

Iz tabele je vidljivo da su u navedenih pet godina najčešći prekršioци su stariji maloljetnici od 16 do 18 godina, koji se prvi put pojavljuju kao prekršioци 185 ili 58,3 %, zatim mlađi maloljetnici od 14-16 godina, koji se prvi put pojavljuju kao prekršioци 84 ili 26,5 %, zatim maloljetni povratnici u činjenju prekršaja od 16-18 godina 30 ili 9,5 % i maloljetni povratnici u činjenju prekršaja od 14-16 godina 18 ili 5,7 %.

Po polnoj strukturi 289 ili 91,2 % su muški prekršioци, a 28 ili 8,8 % su ženski prekršioци.

**TABELARNI PRIKAZ BROJA NARUŠAVANJA, PREKRŠAJA I BROJA MALOLJETNIH POČINIOCA**

	Broj narušavanja JRiM	Broj prekršaja	Broj prijavljenih maloljetnika	POLNA STRUKTURA		Maloljetnici koji se prvi put pojavljuju kao počinioci prekršaja		Maloljetni povratnici kao počinioci prekršaja	
				M	Ž	14-16 godina	16-18 godina	14-16 godina	16-18 godina
2021.godina	39	74	70	67	3	19	41	1	9
2022.godna	66	82	70	64	6	22	43	2	3
2023.godina	89	123	60	57	3	2	40	15	3
2024.godina	36	47	63	55	8	24	37	0	2
2025.godina	58	58	54	46	8	17	24		13
<b>UKUPNO</b>	<b>288</b>	<b>384</b>	<b>317</b>	<b>289</b>	<b>28</b>	<b>84</b>	<b>185</b>	<b>18</b>	<b>30</b>

#### D- Stanje javnog reda i mira u 2025.godini

U izvještajnom periodu 2025. godine evidentirano je 58 slučaja narušavanja javnog reda i mira, te je evidentno povećanje za 22 ili 61 %, u odnosu na 2024. godinu.


U ovim narušavanjima evidentirano je ukupno 58 prekršaja, te je u odnosu na 2024.godinu evidentno je povećanje broja prekršaja za 11 ili 23,4 %.

	Broj narušavanja JRiM	Broj prekršaja	Broj prijavljenih maloljetnika	POLNA STRUKTURA		Maloljetnici koji se prvi put pojavljuju kao počinioci prekršaja		Maloljetni povratnici kao počinioci prekršaja	
				M	Ž	14-16 godina	16-18 godina	14-16 godina	16-18 godina
2025.godna	58	58	54	46	8	17	24	0	13
2024.godna	36	47	63	55	8	24	37	0	2
Razlika + / -	<b>+22</b>	<b>+11</b>	<b>-9</b>	<b>-9</b>	<b>=</b>	<b>-7</b>	<b>-13</b>	<b>=</b>	<b>+11</b>
Razlika + / - %	<b>+61</b>	<b>+23,4</b>	<b>-14,3</b>	<b>-16,4</b>	<b>=</b>	<b>-29,2</b>	<b>-35</b>	<b>=</b>	<b>+550</b>

Slučajevi narušavanja javnog reda i mira su evidentirani na području grada Bihaća (7), grada Cazina (42), općine Sanski Most (2), općine Velika Kladuša (5) i općine Bužim (2). Na području općine

Bosanski Petrovac, općine Ključ i grada Bosanska Krupa nisu evidentirani slučajevi narušavanja JRiM.

grafički prikaz broja slučajeva narušavanja JRiM za 2025./2024.godinu



Iz grafičkog prikaza po gradovima/općinama vidljivo je do povećanja broja slučajeva narušavanja JRiM došlo na području grada Bihaća, grada Cazina i općine Velika Kladuša, dok je do smanjenja došlo na području općine Bosanski Petrovac, općine Sanski Most, općine Ključ i grada Bosanska Krupa. Identično stanje je na području općine Bužim.

U ovim narušavanjima evidentirano je ukupno 58 prekršaja, od čega 47 prekršaja po Zakonu o javnom redu i miru i 11 prekršaja po gradskim/općinskim odlukama. Nisu evidentirani prekršaji iz Zakona o oružju i municiji i Zakona o bezbjednosti saobraćaja na putevima u BiH.

Prema strukturi izvršenih prekršaja po Zakonu o javnom redu i miru najbrojniji prekršaji su tuča-fizički napad (19), vika, galama, drsko ponašanje (17), prosjačenje ili skitnja (3), naročito drsko ponašanje (3), odbijanje naređenja i omalovažavanje policijskih službenika (2), ugrožavanje drugog prijateljom (2), uživanje opojnih droga na javnom mjestu (1).


Prema strukturi prekršaja po gradskim/općinskim odlukama (Odluka o javnom redu i miru) evidentirani su prekršaji: upućivanje prijeteći, vrijeđanje, omalovažavanje ili drugi vid uznemiravanja građana pisanjem SMS poruka putem telefona, elektronske pošte, javnih portala ili društvenih mreža (8) i nedozvoljeno držanje ili nošenje predmeta pogodnih za nanošenje povreda (3).

U blažim oblicima narušavanja JRiM-a policijski službenici su izrekli 7 upozorenja maloljetnicima zbog narušavanja javnog reda i mira (manje za 41 ili 85,4 % u odnosu na 2024. godinu).

Ove prekršaje počinila su 54 prekršajno odgovorna maloljetnika (smanjenje za 9 ili 14,3 % u odnosu na 2024. godinu), od kojih 24 starija maloljetnika od 16 do 18 godina, koji se prvi put pojavljuju kao prekršioc (smanjenje za 13 ili 35 %), 17 mladih maloljetnika od 14 do 16 godina, koji se prvi put pojavljuju kao prekršioc (smanjenje za 7 ili 29,2 %), 13 maloljetnih povratnika od 16 do 18 godina (povećanje za 11 ili 550 %), dok nisu evidentirani maloljetni povratnici od 14 do 16 godina (identično stanje u odnosu na 2024. godinu).

Po polnoj strukturi 46 ili 85,2 % su muški, a 8 ili 14,8 % su ženski prekršioc.

grafički prikaz broja narušavanja JRiM, prekršaja i počinioca



Struktura prekršaja

	NAZIV PREKRŠAJA									Ukupno 2025.	Ukupno 2024.	
		Bihać	B.Petrovac	Cazin	S.Most	Ključ	V.Kladuša	B.Krupa	Bužim			
Zakon o JRiM	Vika, galama, drsko ponašanje	1		14			2			17	5	
	Tuča-fizički napad	1		12	2		2		2	19	24	
	Naročito drsko ponašanje			3						3	2	
	Prosjačenje											1
	Nošenje predmeta pogodnih za nanošenje povreda											1
	Pisanje grafita											1
	Uživanje opojnih droga na javnom mjestu						1			1	1	
	Ugrožavanje drugog prijetnjom			2						2		
	Nepostupanje po naredbi OSL			2						2		
	Zaticanje mlađeg maloljetnika na javnom mjestu u periodu od 23 do 05 sati bez nadzora											4
	Zaticanje starijeg maloljetnika na javnom mjestu u periodu od 23 do 05 sati bez nadzora											5
	Iznošenje ili prenošenje lažnih tvrdnji											1
	Prosjačenje			3						3		

Gradska/ općinska odluka	Upućivanje prijjetnji, vrijeđanje, omalovažavanje ili drugi vid uznemiravanja građana pisanjem SMS poruka putem telefona, elektronske pošte, javnih portala ili društvenih mreža	5		3					8	
	Upotreba plinskog pištolja ili dr.mehanički sredstava koje su podesne da drugog povrijede ili na bilo koji način izazovu uznemirenost građana									1
	Nedozvoljeno držanje ili nošenje predmeta pogodnih za nanošenje povreda			3					3	1
<b>UKUPNO 2025.godina</b>		<b>7</b>		<b>42</b>	<b>2</b>		<b>5</b>		<b>2</b>	<b>58</b>
<b>UKUPNO 2024.godina</b>			<b>5</b>	<b>18</b>	<b>8</b>	<b>1</b>	<b>3</b>	<b>9</b>	<b>3</b>	<b>47</b>

Zbog počinjenih prekršaja nadležnim sudovima (Prekršajna odjeljenja) podnesena su 42 zahtjeva za pokretanje prekršajnog postupka protiv maloljetnika, gdje je evidentno povećanje za 9 ili 27,3 %, u odnosu na 2024.godinu (33 zahtjeva).

Isto tako roditeljima (starateljima) maloljetnika ukupno je zbog prekršaja počinjenih od strane maloljetnika ili propuštanja dužnog staranja o djeci i maloljetnicima izdato 16 prekršajnih naloga, gdje je evidentno povećanje za 4 ili 33,3 %, u odnosu na 2024.godinu (12 prekršajnih naloga).

Evidentirana su dva prekršaja koja su počinila djeca do 14 godina starosti (nisu prekršajno odgovorna), te je evidentno povećanje za 1 ili 100 %.

Ukupno je pozvano i obavljeno 106 razgovora sa roditeljima (starateljima) i svi su se odazvali pozivu (više za 30 ili 39,5 %, u odnosu na 2024. godinu).

Policijski službenici su sačinili 106 službenih zabilješki (više za 33 ili 45,2 %, u odnosu na 2024. godinu) u vezi maloljetničkog prestupništva.

Zbog narušavanja javnog reda i mira policijski službenici su pozvali 18 maloljetnika (više za 5 ili 38,5 %, u odnosu na 2024. godinu).

Od maloljetnika su izuzeti-oduzeti slijedeći predmeti (nož-1 i bokser-2).

#### **E- Poduzete mjere i aktivnosti od strane policijskih službenika**

S obzirom na sve navedeno i na osnovu održanih sastanaka policijskih službenika, RPZ policajaca, sa predstavnicima menadžmenta osnovnih i srednjih škola, sačinjeni su planovi aktivnosti sa ciljem održavanja edukativnih predavanja u izabranim osnovnim i srednjim školama na području Unsko sanskog kantona na teme: „Društveno neprihvatljivo ponašanje, maloljetnička delikvencija, međuvršnjačko nasilje, vandalizam, zloupotreba opojnih sredstava i cyberbullying“, „Suzbijanje maloljetničke i vršnjačke delikvencije i zloupotrebe droga“, „Društveno-neprihvatljivo ponašanje“, „Maloljetnička delikvencija, međuvršnjačko nasilje i vandalizam“, „Zloupotreba društvenih mreža“, te

ih upoznali sa obavezama, dužnostima i posljedicama u vezi navedenih tema. U promatranom periodu održana su ukupno 44 predavanja u osnovnim i srednjim školama na kojim je bilo prisutno 1750 učenika (PS Bihać 32 predavanja-prisustvovalo 1250 učenika, PS Cazin 3 predavanja-prisustvovalo 70 učenika, PS Sanski Most 7 predavanja-prisustvovalo 196 učenika, PS Ključ 1 predavanje-prisustvovala 34 učenika, PS Velika Kladuša 1 predavanje-prisustvovalo 200 učenika).

Shodno Planu Odsjeka za edukaciju, a u organizaciju udruženja „Zemlja djece u BiH“ i uz saradnju sa Federalnim ministarstvom pravde FBiH u mjesecu junu 2025.godine održana je edukacija policijskih službenika na temu „Rad sa djecom i maloljetnicima“ na kojoj je bilo prisutno 20 policijskih službenika.

Također je u oktobru mjesecu 2025.godine u prostorijama Općinskog suda Bihać, a povodom Evropskog dana pravde, od strane RPZ službenika održana edukacija na temu „Društveno neprihvatljivo ponašanje, maloljetnička delikvencija, međuvršnjačko nasilje, vandalizam, zloupotreba opojnih sredstava i cyberbullying“, na edukaciji je bilo prisutno 30 učenika iz 10 osnovnih škola – predstavnici vijeća učenika.

#### **F-Opremljenost i uslovi rada sa maloljetnicima**

Opremljenost i uslovi rada za provođenje službenih radnji u skladu sa Zakonom o zaštiti i postupanju sa djecom i maloljetnicima u krivičnom postupku još uvijek nisu ispunjeni kod svih organizacionih jedinica koje rade sa maloljetnicima izuzev u SKP-e druge organizacione jedinice nemaju posebne prostorije sa potrebnom informatičkom i drugom opremom neophodnom za rad sa maloljetnicima. Samo jedna policijska stanica na kantonu (PS Bihać), posjeduje prostoriju za obavljanje intervjua sa informatičkom opremom koja nije u funkciji, a što je neophodno za rad sa maloljetnim prijestupnicima ali se očekuje dalje poboljšanje stanja. Sa istima se obavljaju razgovori u kancelarijama, u kojima radi više policijskih službenika.

Kako bi policija poduzimala mjere i radnje, u skladu sa propisima navedenog Zakona, tokom obavljanja intervjua uz audio-vizuelno snimanje, takav intervju obavlja se u prostoriji Odjela za maloljetnike pri Kantonalnom tužilaštvu USK-a Bihać i uz prethodnu saglasnost tužioca tog odjela, odnosno u vremenu kada se ukaže slobodan termin za obavljanje tog intervjua. Navedeno postupanje uslovljava rad policijskih službenika, koji rade na ovim slučajevima, kao i samo dovođenje djece i maloljetnika iz sredina koje nisu sa područja grada Bihaća.

Imajući u vidu navedenu problematiku u vezi opremljenosti prostorija za obavljanje intervjua, potrebno je u što kraćem roku iznaći sredstva kako bi se službene prostorije mogle adekvatno opremiti u svakoj policijskoj stanici, a sve u cilju zaštite djece i maloljetnika i implementacije Zakona o zaštiti i postupanju sa djecom i maloljetnicima u krivičnom postupku.

Zapažanja ukazuju na nedostatak adekvatnih ustanova za rad sa maloljetnicima, naročito u preddelikventnoj fazi (udomiteljske porodice, domovi za djecu, ustanove za liječenje od ovisnosti, za resocijalizaciju itd.). Sve to ima za posljedicu pojavu recidiva i stvara poteškoće kod primjene Zakona o izvršenju sankcija. Isto tako primjetno je da su relativno blage kazne koje izriču sudovi roditeljima zbog propuštenog staranja o maloljetniku.

#### IV – OCJENA STANJA MALOLJETNIČKE DELINKVENCije

Maloljetnička delinkvencija je društveni problem koji je prisutan i na Unsko- saskom kantonu. Zapažanja i procesuirani slučajevi ukazuju da je u većini slučajeva izostao potreban nadzor roditelja ili staratelja, tako da je, pored brojnih faktora rizika, nedostatak brige za djecu i najčešći uzrok sukoba maloljetnika sa zakonom. Na stanje maloljetničke delinkvencije se negativno odražava činjenica da na kantonu nije razvijena infrastruktura za resocijalizaciju i integraciju maloljetnih prestupnika u društvo.

Analize statističkih pokazatelja ozbiljno upozoravaju i imperativno nameću zadatak i potrebu većeg nadzora i brige za djecu i mladež, naročito u porodici i školama. Mladima se treba više baviti, osigurati im dobre uvjete, prostor i mogućnosti za sport, muziku, igru, zabavu, zdravu rekreaciju i racionalno korištenje slobodnog vremena. Njima treba ponuditi zanimljive i atraktivne sadržaje, maksimalno ih okupirati pa neće daći u iskušenje i situaciju da se upuste u činjenje krivičnih djela. Okupiranost mladih dobro osmišljenim, zanimljivim, zdravim i konstruktivnim aktivnostima najbolja je prevencija prijestupništva, delinkvencije, devijacija, a dosada i znatiželja njihov najjači uzročnik.

Uprava policije MUP USK-a, tužilaštvo i sudovi za maloljetnike ustaljenom praksom provode represivne mjere i učinkovito obavljaju svoje zadaće. No, kako je riječ o mladima, pretežno učenicima osnovnih i srednjih škola, kao i djeci (do 14 godina) počiniteljima krivičnih djela, koja su shodno zakonskim propisima, krivično neodgovorna, čije se društveno neprihvatljivo, prijestupničko i delikventno ponašanje može suzbijati i sprečavati isključivo odgojnim i popravnim mjerama iz nadležnosti organa starateljstva ili obrazovnih ustanova, preodgoja, resocijalizacije i rehabilitacije, nameće se i opravdan zahtjev za intenzivnijim, osmišljenijim, organiziranim i angažiranim preventivnim djelovanjem kroz aktivnosti i rad sa tom dobnom kategorijom. Za prevenciju poremećaja i usvajanje etičkih normi potrebna je moralna praksa koja se doživljava jedino u zdravim sredinama, na svakodnevnim primjerima moralnog djelovanja svih članova porodice, vrtića, škole i okoline.

Uporedbom 2025. sa 2021.godinom, evidentno je da je došlo do povećanja broja krivičnih djela za 5 ili 18,5 % i ukupnog broja počinitelja za 8 ili 26,7 %.

Kao najčešći počinioci krivičnih djela pojavljuju se stariji maloljetnici koji se prvi put pojavljuju kao počinioci KD u 61,7 % slučajeva, zatim mlađi maloljetnici koji se prvi put pojavljuju kao počinioci KD u 26,3 %, mlađi maloljetni povratnici u 6,3 % i stariji maloljetni povratnici u 5,7 % slučajeva.

Dominantni su imovinski delikti, gdje su maloljetnici počinili 26,3 % od ukupnog broja KD počinjenih od strane maloljetnika.

Stanje maloljetničke delinkvencije u 2025.godini, u odnosu na 2024.godinu karakteriše povećanje ukupnog broja krivičnih djela i ukupnog broja maloljetnih počinitelja.

Organizacione jedinice Uprave policije u 2025.godini evidentirale su ukupno 32 krivična djela, što je za 5 ili 18,5 %, više u odnosu na 2024.godinu.

Ova krivična djela počinila su 38 krivično odgovornih maloljetnika, što je u poređenju sa 2024. godinom manje za 6 ili 18,8 %.

Povećan je broj mlađih maloljetnika starosti od 14-16 godina, koji se prvi put pojavljuju kao počinioci KD smanjen je za 1 ili 16 % i starijih maloljetnika starosti od 16-18 godina koji se prvi put pojavljuju

kao počinioци KD za 3 ili 13,6 % i maloljetnih povratnika u vršenju KD starosne dobi od 16-18 godina za 2 ili 200 %, dok je identičan broj maloljetnih povratnika u vršenju KD starosti od 14 do 16 godina.

Po polnoj strukturi 32 ili 84 % su muški, a 6 ili 16 % su ženski počinioци.

Smanjen je broj maloljetnika koji su lišeni slobode u skladu sa Zakonu o krivičnom postupku Federacije BiH za 2 ili 66,7 %.

Maloljetni počinioци su u 2025. godini pojavljuju se kao počinioци 14 vrsta KD, što je u odnosu na 2024. godinu evidentno smanjenje za 12,5 %.

U strukturi krivičnih djela počinjenih od strane maloljetnika najbrojnija su krivična djela protiv života i tijela, koja čine 31,3 % krivičnih djela koja su počinili maloljetnici, te su i u 2024.godini bila najbrojnija krivična djela protiv života i tijela, koja čine 33,3 %.

Najviše krivičnih djela počinjenih od strane maloljetnika evidentirano je na područjugarada Bihaća (8), grada Cazin (8) i općine Velika Kladuša (7) što čini 71,9 % od ukupnog broja krivičnih djela počinjenih od strane maloljetnika.

U 2025.godini maloljetnici su najviše krivičnih djela počinili u mjesecu februaru 5 i aprilu, septembru i novembru - po 4, a najmanje u januaru, martu i julu – po 1 krivično djelo.

Policijski službenici su, pridržavajući se odredaba Zakon o zaštiti i postupanju sa djecom i maloljetnicima u krivičnom postupku i Pravilnika o primjeni mjera policijskog upozorenja u 2025.godini izrekli 1 mjeru policijskog upozorenja prema maloljetnicima koji su počinili krivično djelo, te je evidentno smanjenje za 1 ili 50 % u odnosu na 2024.godinu.

Ukupno su 2 maloljetnika lišena slobode, u skladu sa Zakonom o krivičnom postupku, a 1 maloljetno lice je zadržano u službenim prostorijama zbog počinjenog krivičnog djela.

Policijski službenici su u službene prostorije pozvali 29 maloljetnika, zbog činjenja krivičnih djela.

U izvještajnom periodu nisu evidentirana KD čiji su počinioци djeca starosti do 14 godina, a koja nisu krivično odgovorna (u 2024.godini također nisu evidentirana KD).

Uporedbom 2025. sa 2021.godinom, evidentno je da je došlo do povećanja broja narušavanja javnog reda i mira za 19 ili 48,7 %, a smanjanja broja prekršaja za 16 ili 21,6 %, kao i ukupnog broja maloljetnih prekršioca za 16 ili 22,9 %.

Najčešći prekršioci su stariji maloljetnici od 16 do 18 godina, koji se prvi put pojavljuju kao prekršioci 185 ili 58,3 %, zatim mlađi maloljetnici od 14-16 godina, koji se prvi put pojavljuju kao prekršioci 84 ili 26,5 %, zatim maloljetni povratnici u činjenju prekršaja od 16-18 godina 30 ili 9,5 % i maloljetni povratnici u činjenju prekršaja od 14-16 godina 18 ili 5,7 %.

U izvještajnom periodu 2025. godine evidentirano je 58 slučajeva narušavanja javnog reda i mira, te je evidentno povećanje za 22 ili 61 %, u odnosu na 2024. godinu.

U ovim narušavanjima počinjeno je ukupno 58 prekršaja, od čega 47 prekršaja po Zakonu o javnom redu i miru i 11 prekršaja po gradskim/općinskim odlukama. U odnosu na 2024.godinu evidentno je povećanje broja prekršaja za 11 ili 23,4 %.

Najbrojniji prekršaji su tuča-fizički napad-19 i vika, galama, drsko ponašanje -17.

Nisu evidentirani prekršaji iz Zakona o bezbjednosti saobraćaja na putevima u BiH.

Ove prekršaje počinila su 54 prekršajno odgovorna maloljetnika što je evidentno smanjenje za 9 ili 14,3 % u odnosu na 2024. godinu).

U 2025.godini po polnoj strukturi 46 ili 85,2 % su muški, a 8 ili 14,8 % su ženski prekršioci.

Zbog počinjenih prekršaja nadležnim sudovima (Prekršajna odjeljenja) podnesena su 42 zahtjeva za pokretanje prekršajnog postupka protiv maloljetnika, gdje je evidentno povećanje za 9 ili 27,3 %, u odnosu na 2024.godinu (33 zahtjeva).

Isto tako roditeljima (starateljima) maloljetnika ukupno je zbog prekršaja počinjenih od strane maloljetnika izdato 16 prekršajnih naloga, gdje je evidentno povećanje za 4 ili 33,3 %, u odnosu na 2024.godinu (12 prekršajnih naloga).

Evidentirana su dva prekršaja koja su počinila djeca do 14 godina starosti (nisu prekršajno odgovorna), te je evidentno povećanje za 1 ili 100 %.

Ukupno je pozvano i obavljeno 106 razgovora sa roditeljima (starateljima) i svi su se odazvali pozivu (više za 30 ili 39,5 %, u odnosu na 2024. godinu).

Policijski službenici su sačinili 106 službenih zabilješki (više za 33 ili 45,2 %, u odnosu na 2024. godinu) u vezi maloljetničkog prestupništva.

Zbog narušavanja javnog reda i mira policijski službenici su pozvali 18 maloljetnika (više za 5 ili 38,5%, u odnosu na 2024. godinu).

U blažim oblicima narušavanja javnog reda i mira policijski službenici su izrekli 7 upozorenja maloljetnicima zbog narušavanja javnog reda i mira (u 2024. godini izrečeno 48 mjera upozorenja).

Posebna saradnja ostvarena je sa centrima za socijalni rad, školama i pravosudnim organima i roditeljima ili starateljima maloljetnika.

Prema zapažanjima među glavne razloge maloljetničke delinkvencije spada izostanak brige roditelja ili staratelja za djecu, zatim slabljenje vaspitne uloge škole, te generalno brige, odnosno ne briga države za ovu populaciju, od kojih se jedan dio opredjeljuje za sukob sa zakonom.

Ohrabruje činjenica da policijski službenici vrše edukacije, koja su vezane za problem maloljetničke delinkvencije, u osnovnim i srednjim školama na području USK, a na kojim bude prisutan velik broj kako učenika, tako i nastavnika, profesora, direktora škola, pedagoga.

Od strane RPZ policajaca u 2025.godini održana su 44 predavanja u osnovnim i srednjim školama na području Unsko sanskog kantona sa akcentom na maloljetničku delinkvenciju, kojim je prisustvovalo 1750 učenika.

Shodno Planu Odsjeka za edukaciju, a u organizaciju udruženja „Zemlja djece u BiH“ i uz saradnju sa Federalnim ministarstvom pravde FBiH u mjesecu junu 2025.godine održana je edukacija policijskih službenika na temu „Rad sa djecom i maloljetnicima“ na kojoj je bilo prisutno 20 policijskih službenika.

*U cjelini gledano stanje maloljetničke delinkvencije na području Unsko- sanskog kantona u 2025.godini može se ocijeniti zadovoljavajućim.*

## V – PRIJEDLOG MJERA

- ❖ Provoditi pojačane, a posebno preventivne mjere iz nadležnosti policije, usmjerene na smanjenje maloljetničke delinkvencije. Kroz kvalitetnu upotrebu materijalnih i ljudskih resursa i proaktivan rad policije obezbjediti prisustvo policije na mjestima i u vremenu kada se krivična djela i prekršaji najčešće događaju, posebno u blizini škola, na frekventnijim raskrsnicama, mjestima većeg okupljanja mladih i sl.
- ❖ Posredstvom Ministra unutrašnjih poslova USK insistirati na potrebi obezbjeđenja finansijskih sredstva za uređenje prostorija i nabavku informatičke opreme za potrebe organizacionih jedinica Uprave policije MUP-a USK, koja bi se isključivo koristila za rad sa maloljetnicima, kao i sredstva za edukaciju službenika za rad sa maloljetnicima.
- ❖ Kontinuirano provoditi saradnju sa direktorima i drugim uposlenim osobljem obrazovnih ustanova, a sa ciljem jačanja svijesti učenika o štetnosti prestupništva, jačanja sigurnosti učenika od svih oblika ugrožavanja, te posebnu pažnju posvetiti edukacijama.
- ❖ Aktivno sudjelovati, ali i inicirati održavanje raznih seminara, debata, radionica, okruglih stolova i sličnih rasprava u okviru institucija pravosuđa, te u krugovima socijalnih radnika, psihologa, pedagoga, prosvjetnih i zdravstvenih radnika.
- ❖ Stanje maloljetničke delinkvencije razmatrati i na sastancima konsultativnih grupa po općinama, te predlagati dalje aktivnosti sa ciljem poboljšanja stanja i zaustavljanja rasta maloljetničkog kriminaliteta.
- ❖ Aktivno učestvovati u svim oblicima edukacija u primjeni Zakona o zaštiti i postupanju sa djecom i maloljetnicima u kaznenom postupku kako bi se omogućila njegova kvalitetna primjena u okviru nadležnosti policije.
- ❖ Policijske službenike u kontinuitetu slati na kurseve praktičnog rada sa maloljetnicima i na druga stručna usavršavanja rada sa maloljetnicima.
- ❖ Krivična djela koja počine maloljetnici rješavati kroz multidisciplinarni pristup stručnih osoba iz nadležnih institucija u skladu sa zakonom.
- ❖ Pored edukativnih predavanja po školskim ustanovama učenicima, organizirati i predavanja za roditelje, te ih upoznati kako u ranim fazama prepoznati početak maloljetničke delinkvencije i kako djelovati preventivno.

- ❖ Intenzivirati aktivnosti na dosljednoj provedbi Zakona o zaštiti i postupanju sa djecom i maloljetnicima u krivičnom postupku i Pravilnika o primjeni mjera policijskog upozorenja, a u realizaciju i praćenje ovakvih događaja potrebno je maksimalno uključiti Odsjek za maloljetničku delinkvenciju, seksualne delikte i nasilje u porodici.
- ❖ Dosljedna primjena zakona, koji se odnose na točenje alkohola maloljetnim licima, ulasci i boravci u kladionicama, kasinima i samo igranje igra na sreću, te kretanje djece poslije 23 sata.
- ❖ Iako se ne može direktno utjecati na sadržaje koje djeca i mlaoljetnici posjećuju na internetu adekvatnom edukacijom i medijskom kampanjom usmjerenom i na djecu/maloljetnike i na roditelje pokušati približiti djeci i roditeljima negativne utjecaje onlajn sadržaja koji nisu primjereni djeci i maloljetnicima.
- ❖ Povećati nivo svijesti javnosti o pojavi maloljetničke delinkvencije i mogućnostima prevencije, intervencije i resocijalizacije maloljetnih delinkvenata.
- ❖ Nastaviti aktivnosti na poboljšanju uslova rada sa maloljetnicima.

Obrađivač: Džehverović Harisa/Alagić Jasmina

ZAMJENIK DIREKTORA  
Glavni inspektor

Snad Prošić



502. Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560  
Web: [www.mupusk.gov.ba](http://www.mupusk.gov.ba), e-mail: [mupusk@mupusk.gov.ba](mailto:mupusk@mupusk.gov.ba), [info@mupusk.gov.ba](mailto:info@mupusk.gov.ba)